

LETRES PATEN- TES DV ROY,

PAR lesquelles est prohibé & defendu à toutes Com-
munautez de Villes & autres, deputer plus
d'un d'entre eux pour voiajer deuersle-
dit Sieur, ou ailleurs. Avec le
reglement apres incéré
lors qu'il le con-
uiendra faire.



A T O L O S E,

Par Jacques Colomies Imprimeur iuré de l'Vniuersité.

1 5 6 7.

Par permission de la Court Souueraine de Parlement.





HARLES par la grace de Dieu
Roy de France: A tous ceux qui ces pre-
sentes verront, Salut. Parce que les de-
fences si souuent reiterees tant par noz
predecesseurs Roys, que par noz Edictz
Ordonnâces & lettres patentes n'ont
peu iusques icy retenir la licëce effrenee que les admini-
strateurs & ordonnateurs des deniers communs & au-
tres qui se leuent sur noz subiectz & peuple. Ont usur-
pé et entrepris mesmes par taxes excessiues de boya-
ges de leurs deleguez deuers nous ou ailleurs qu'ilz com-
mettent en plus grand nombre qu'il n'est requis.

SC VOIR faisons q̄ pour reigler et reformer labus
du passé en telz & si frequens voyages. Auons de lad-
uis de nostre treshonorée dame & mere, de nostre tres-
cher Frere le Duc Danion des Princes & Seigneurs
de nostre Conseil, defendu & prohibé comme nous dese-
dons trespreseroictement par ces presentes, à toutes commu-
nantez de villes, bourgs, bourgades, parroisses & Villa-
ges nommer & deputer pour quelque affaire cause ou
occasion que ce soyt plus d'un d'entre eux, ou tel autre
qu'ilz voudront choisir. Lequel ne sera receu à presen-
ter les requestes ou articles d'ant il sera chargé sans

procuracion speciale, ou silz ne sont signez du Greffier, Notaire, scribe, ou tabellion, qui aura assiste à la deliberation faisant mention expresse du nombre noms & qualitez de ceulx qui y auront assiste. Voulons & ordonnons que la taxe du voyage de celuy qui aura esté delegue deuers nous soit faicte en nostre Conseil, ou par les Commissaires qui seront par iceluy deputez incontinet apres sa depefche & expedition, Sans qu'il puisse pretendre ny preëdre par dessus ladite taxe aucune autre recompense ny que les Escheuins, Capitolz, Conseillers, Iuratz, Consulz ou autres administrateurs de deniers communs patrimoniaux & dottroiz entreprenēt la luy faire accorder ou promettre: A peine du quadruple que nous auons desapresent, comme deslors declare tant cōtre les ordinateurs que payeurs & preneurs sans qu'il puisse estre remis ne moderé & de plus grāde peine s'elle y eschet. Dessendent tresexpressément à noz amez & feaux les gens de noz Comptes & tous autres par deuant, lesquelz les cōptes desdictz deniers patrimoniaux & dottroy seront renduz d'allouer aucune chose pour les voyages desditz deleguez, Oultre le cōtenu en la taxe qui aura esté faicte en nostredict Conseil. Et quant aux voyages qui aurōt esté faictz ailleurs que à nostre suite, comme pour sollicitation de proces, ou autres affai-

res quelzconques ne sera aussi alouée la despense que pour un seul & la taxe faite moderée selon la qualité des personnes sur mesmes peines que dessus. Et afin que la loy soit generale pour tous nous subiectz de quelque qualité qu'ilz soient, voulons icelle auoir lieu & estre gardée par nous Parlemens Chambres des Comptes et autres noz cours souueraines. Aussi par tous les sieges de noz bailliz, & Seneschaux, tant Presidiaux qu' autres inferieurs, Pareillement es assamblées & cōuocation des estatz generaulx & particuliers qu' on a acoustumé tenir en aucunes prouinces do noz Royaume pays & terres de nostre obeissance. Leur defendant à tous generallemēt aux peines que dessus, deputer sans nostre expresse permissiō plus d' une personne soyt pour venir ueuers nous, aller faire qlques remōstrāces aux Gouverneurs desdites Prouinces, noz Lieutenans en icelles en leur absence ou autres personages, ny pour quelque affaire que ce soit, Si ce n' est en mesme ville & sans fraiz & despence sur noz finances ou subiectz. Excepté toutesfois & en ce non comprins le raport des requestes & doleances desditz estatz qu' auront esté deliberées ez assamblées generalles diceulx. Auquel cas seulement si ainsi aura esté requis & arresté esdites assamblées. Permettons aux deleguez qui tiendront lesditz estatz,

generaux deputer trois personnes. Assavoir de chacun estat un seulement & non plus grant nombre, autrement le voyage des supernumeraires sera à leurs despēs. Sauf qu' aucune taxe leur puisse estre faiçte, à peine de repetition tant sur les ordinateurs que tous ceulx qui auront payé et receu. Et si tost que les deputez de noz Parlemens Courtz Souueraines des sieges de noz Bailliz & Seneschaux, ou Presidiaux, ou les deleguez des estatz generaulx & particuliers qu' on à acoustumé tenir en aucunes puinces de nostre Royaume, Aussi ceulx des Cōmunautez des villes, bourgs, bourgades, Parroisses, et villages, serōt arrivez la part ou serōs ils se p̄senterōt en nostre cōseil et ferōt enregistrer au registre diceluy la certificatiō du iour de leur partemēt et celuy de l'arrivee, à fin q̄ lors qu' ilz demāderont taxe de leur voyage les Commissaires qui seront par nous Ou nostre Conseil à ce Cōmis puissent faire leur taxe certaine, en faisant. Laquelle voulons & entēdons estre suiuy le reiglemēt faiçt pour semblables taxes par defunct nostre treshonoré Seigneur & Pere en l' an cinq cens cinquante trois. L'extraict duquel auons pour cest effect ordonné estre cy attaché soubz nostre contreseel. Affin que personne n' en puisse pretendre cause d'ignorance. Et parce que ledit reglement ne faiçt mention d' autre taxe que pour

noz Officiers permettons aux Commissaires qui seront
cōmis pour faire la taxe des autres deleguez cy dessus la
leur faire, eu esgard à la qualité diceulx qui aurōt esté
enuoyez, sans toutesfois pouuoir excéder la somme de
cent solz tourn. pour chacun iour & vacation de quel
que personne q̄ ce soyt. **SI DONNONS EN**
Mandement à noz amez & feaux les gens tenans noz
Courts de Parlement (Chambres des Comptes, & au-
tres souueraines. Et au Preuost de Paris noz Bailliz et
Seneschaulx, ou leurs lieutenans. Et generallyment à
tous noz officiers que ceste presente nostre ordonnance,
ilz facent lire, publier, & en registrer, garder, & obser-
uer, inuiolablement sans permettre qu'il y soit contreue-
nu en maniere quelconque. Et auons desapresent cōme
destors reuocque toutes permissiōs qui pourroyent cy a-
pres par importunité ou autrement estre obtenues au cō-
traire soubz quelque pretexte ou occasion que ce soit de-
fendant à tous noz Iuges & subiects qu'il appartiēdra
y auoir aucun esgard à peine d'en respondre en leurs dits
propres & priuez noms. Car tel est nostre plaisir. Donnē
à Paris le sixiesme iour de Decembre. Lan de grace mil
cinq cens Soixante six, Et de nostre regne le sixiesme.

Par le Roy en son Conseil.

DE LAUBESPINE.

Ainsi signé. Et sont scellées du grand Seau de cire jaune à double queue.

Leues publiées & registrées requerrāt le Procureur general du Roy à Tolose, en Parlement le vingtsixiesme iour de May. l'an mil cinq soixantesept.

BVRNET.

EXTRAIT DES

registres du Conseil priué du Roy.

AVIOVRDH VY premier iour de Mars, Mil cinq cens cinquāte trois, Au Cōseil priué du Roy Tenu, à Fontainebleau Icelluy Seigneury estant, aduertý de l'importunité & demandes excessiues qui se font ordinairement tant par ces seruiteurs & officiers qu'autres personnes de diuerses qualités qui sont employéz par commissions & mandemés extraordinaires en ses affaires pour le faict des taxes de leurs iournées & vacat[ion] sur le nōbre desdites iournées que sur le fur & raisō du salaire & vacat[ion] de chacune iournée. A voulu & ordōné ce que sensuit. Pour y estre gardé & obserué dorenauant en sondit Conseil, Et par ceulx qui seront tant par luy que sondit Conseil commis à faire lesdites taxes.

¶ ET PREMIEREMENT Que les Presidens des Cours souueraines, Chambre des Comptes & des aydes à Paris, & Rouan, Maistres des requestes Tresoriers de France & generaux des finances, Maistres d'hostel & Capitaines des gardes dudict Seigneur, auront pour chacune iournée qu'ilz vacqueront hors leur maison & demeure, la somme de trois Escuz sol, & en leur maison & lieu de leur demeure la somme de deux escuz, & pour demye iournée à lequipolent.

¶ I T E M les Conseillers Aduocatz & Procureurs généraux des courtz souueraines, Presidens des compres de Dijon, Dauphiné, Prouuée, Bretagne, Montpellier, Piemont, Maistres & Correcteurs des compres à Paris President des monnoyes & Presidens des aydes, à Montpellier généraux des aydes à Paris, Preuost de l'hostel Pannetiers Eschançons, & Valertz trenchans la somme de cent solz tourn. Et en leur maison soixante solz tournois. Et de la demye iournee à lequipolent.

¶ I T E M les Secretaires & Valetz de chambre du Roy, Auditeurs des Comptes de Paris Maistres des Comptes de Bloys, Bourgogne, Prouuée, Bretagne, Môtpellier & Piemont, généraux dudit Montpellier. Maistres & Conseillers des eaues & forestz Conseillers au tresor generalx des monnoyes Lieutenás generalx des Bailliz & Seneschaulx es sieges présidiaux, Grefiers es courtz souueraines & chambre des Comptes de Paris chacun quatre liures hors leur maison & Cinquante solz en leur maison & la demye iournee à lequipolent.

¶ I T E M tous Eleuz Aduocatz & Procureurs du Roy, es Bailliages, Seneschauces, & Preuostez Lieutenás particuliers Clerks auditeurs, procureurs, du Roy, & greffiers des chambres des Comptes de Bourgoine, Prouence, Dauphine, Bretagne, & Montpellier lieuten, des maistres des eaues & forestz, greffiers, desdicts bailliages Seneschauces & Preuostez desdites eaues et forestz et Preuostz des maerchaux chacú Cinquante solz tour. hors leurs maisons, & en leurs maisons & lieu de leur demeuráce trente solz tourn. & de la demye iournee à lequipolent.

¶ I T E M les archers de la garde quarante solz tourn. & les archers de la Preuosté del'hostel, & Notaires. xxv. solz tourn. Archers des Preuostz des Marechaulx. xx. solz tournois. Fait audit Cóseil ledit Seigneur y estát, lesdicts iour & An. signé de la propre main du Roy.

Collationné sur lesdictz registres.

BVRGENSIS.

